

己巳行人司行人王良至江南常州贖貨知府范好古以聞械至罪之勞好古酒醴

壬申官軍平雲南靖州諸洞苗蠻

乙亥廣東程鄉縣人鍾文遠作亂伏誅

甲申浙江麗水縣卜者妄告大姓陳公望等五十七人謀叛遣千戶周原往捕之麗水知縣南昌倪孟賢微行察民耕織如故疏其誣遂論妄告之罪命光祿寺市價視常販每百錢增十為民息


六月己丑廣西興業知縣王獻縣丞曹玉容徵稅逾期以進士

出身省之

辛丑雲南地震

命戶部給祿皆以石計先是或升斗零

甲辰詔曰朕有天下十有九年方域粗安奸臣間之恩未施而弗及德將布而阻行舊歲大誥頒行民從朕命奸擾吾民者循治而斂跡監生職任于諸州想吾民樂生有漸矣特命有司存問高年撫卹無告篤疾殘廢者收入孤老院歲給之民八十九十無公私之辱非隸卒娼優貧無產業者八十以上月給米五斗肉五斤酒三斗九十以上歲加賜帛一匹絮



十斤田業僅自贍者給酒肉絮帛如之富戶應天鳳陽民八十以上賜爵社士九十以上賜爵鄉士天下人八十以上賜爵里士九十以上賜爵社士皆與縣官平禮免其雜徭正官歲一存問月遣敦篤生負詣門送賜給粟毋得陳朕約民敢有冒年受禮尚者家族誅曾被公私淑慝者如之所在鰥寡孤獨果有田糧有司即與除去差撥無者給米六石孤無依者責令親戚收養無親戚者責令鄰里累年間邊有勞或矢石傷殘或因傷身亡兒女見存者優免三年塚集土軍因傷殘疾者優免軍役三年因傷死者優免十年入為民籍更免

雜徭三年官軍從征戰沒者卹賞其兒女世襲父職者加一等  
丁未賑山東青州及河南開封旱災  
癸丑給糧長賦役冊籍之費


平越衛麻哈苗楊孟等叛征南將軍穎國公傅友德討平之  
七月乙卯朔勅蘇州知府王觀同知曹恒經歷王昭曰為官蒞政非權無以馭下迂儒俗士官名而已爾當廳筭死猾吏錢英如此則令行禁止安民有日特遣行人白思中賚勅勞醴尚篤斯志共永高明

癸亥三辰晝見

國權

洪武十九年

七



置東寧衛

設江南揚州湖北武昌等糧長

丙寅左都御史詹徽通政使蔡瑄左通政茹瑞工部侍郎秦達戶部侍郎楊靖俱公勤詔有司復其家

甲戌賜中山王及韓國公李善長等十四人鳳陽東西山場

丁丑國子博士金華吳況致仕

己卯太白入太微垣

癸未詔舉經明行脩練達時務之士年七十以下置翰林六十以下置六部二司

八月乙酉 上閱宋忠太宗改封椿庫為內藏庫嘆曰人君以

四海為家何自私為

辛卯命吏部選應天富民子弟補吏

己亥六安侯王志卒志鳳陽人從起兵渡江克定京畿江楚


從馮勝渡河取懷慶澤潞更入察罕腦兒絕寨卻胡封年五

十二追封許國公謚襄簡

甲辰 皇太子往盱眙葬 三祖帝后衣冠加脩築曰祖陵

己酉定吏負轉補資格

九月甲寅朔置寶鈔提舉司



庚申西平侯沐英言雲南廣蕪宜軍士屯田從之召征南將  
軍穎國公傅友德還京

高麗占城二國入貢

皇子樞是月生

丙子天雨絮

癸未行人劉敏唐敬等偕內臣賫磁器賜真臘等國

十月庚寅太白晝見七日

乙巳優給已故武官子孫父母老者全俸終身

是月頒給内外文武官至戒錄採逆臣百餘事

十一月甲寅韓勳嗣東平侯

乙卯湖南澧州蠻亂官軍討平之

長興侯耿炳文率陝西軍赴北平聽征

庚申免山西大同鹽稅虧額

辛酉日本國遣使人貢卻之

癸亥改車里軍民府為宣慰使

丙寅高麗國王上表請易冠服不許


行人往廣西圖山川與蠻洞相接者

十二月癸亥朔日食

國權

洪武十九年

九



作京師各門及橋道邸署俱罪人輪作

濱海置守禦千戶所八

甲申陝西市馬

乙酉重囚令大理寺覆決

戊子市馬高麗國

癸巳大誥三編成頒天下

己亥岷州山寇作亂官軍討平之

庚子盧氏主簿徐存義上言大梁居中土形勝可都不宜在  
于江左守令當重佐貳必不多設倡優俗樂不可用當脩明

雅樂 上嘉獎之

甲辰都察院左都御史詹徽上言 陛下理刑每存欽恤今

莫若嚴刑使人知畏而重犯法 上曰用刑之道貴于得中

得中則刑清失中則刑亂卿言非也

雲南巨津州土酋阿奴聽叛襲劫石山營千戶浦泉戰死吉

安侯陸仲亨率指揮李榮鄭榮討平之

乙巳命運糧給施州衛餘崇山等衛令屯田自為食再請復


給之

詔武官謫戍雲南遼東者皆縣次續食

國權

洪武十九年

十



戊申置貴州都勻安撫司

親王令節慶賀<sup>正</sup>本城官行禮

是月安南國入貢

巳酉諭宋國公馮勝征金山納哈出先運粟松亭關及大寧

會州富峪仍分置邊隘諸衛

*[Faint bleed-through text from the reverse side of the page]*

國權

監官設遷孺木著

丁亥洪武二十年

正月癸丑宋國公馮勝為征<sup>下</sup>大將軍穎國公傅友德永昌侯

藍玉為左右副將軍定遠侯王弼為左叅將東川侯胡海武

英侯鄒英為右叅將率師二十萬征納哈出初納哈出以元

萬戶守太平獲之以元世閹厚<sup>待</sup>之尋逸去元亡不從主漢


北擁大眾金山三分其部曰榆林曰養鵝庄曰龍安一禿河

輜重富盛畜牧蕃息數患遼左 上諭馮勝駐師通州覘其

國權

洪武二十九年

一




出入先克慶州徑擣金山仍遣前番將乃刺吾北還賜納哈  
出書及毛闡撒里達温蠻子晃石台和尚伯蘭等  
焚錦衣衛刑具送囚刑部先是重刑下錦衣衛甚酷橫王上  
曰訊鞫乃法司事也時令錦衣衛審重罪者欲先得其情實  
耳豈令煇煉耶  
已未脩闕里孔廟  
改松潘衛為松潘軍民府指揮司松潘安撫司為龍州  
甲子南郊天氣澄明 上悅  
已未裁潭府魯府審理所官

丙子府軍前衛老校丁誠請開河南陝西州銀礦上曰好  
利必戕民元時採金豐城歲久金竭民甚苦之豈可效也

二月壬午朔 上閱武于午門外仍令將軍衛士自習射于墀  
夜五星皆見

甲申大將軍馮勝至通州遣輕騎出松亭關覘屯慶州命  
藍玉乘大雪襲破之殺平章朶來并擒其子不蘭奚  
戊子浙直進魚鱗圖冊初令遣國子生武淳等履畝繪圖

辛卯琉球國入貢  
壬辰 上耕籍田宴群臣于壇所



甲辰 上註書洪範揭御座右


三月辛亥朔宋國公馮勝出松亭閤築大寧寬河會州富峪四城 是月馮勝駐兵于大寧城

丙辰江南宜興縣丞張福生犯法論罪以國子生宥之諭曰進士國子生皆朝廷之所培養初仕即有麗法者雖欲改過無繇自今雖犯法從寬三省之

辛未復設山西太原府交城縣大通鉄冶所其地置冶每歲採鉄十萬斤後聽民採至是以繕兵復之古之是下故也  
癸酉市馬高麗國辭其直不許詔歸我流民三百五十八人

是月耽羅國亦貢馬并價直亦如之  
甲戌雲南左布政司張統職滿來朝璽書褒諭令復職  
徙民于四川成都以墾蕪田

四月辛巳朔增禁門校卒  
癸未諭大將軍馮勝進兵選元舊官部下之能騎射者擇千百戶領之充前鋒  
戊子江夏侯周德星與往福興漳泉等處抽民戶三丁之一  
戌海上防倭圖上城守要害築城十六增巡簡司四十五  
是月置磨勘司 禁番使以麻鉄出境





丙申有國子生任陝西知縣受賄逮至 上念其年少宥之  
已酉左都御史唐徽言軍某犯罪當杖笞兩宥不悛乞併前  
重論 上不聽仍杖遣

五月庚申勅西平侯沐英吉安侯陸仲亨平涼侯費聚南安侯  
俞通源四川都指揮使竇正楚雄衛指揮使袁義大理衛指  
揮鄭祥品甸衛指揮賴鎮金齒衛指揮李觀儲傑等曰近御  
史李原自平緬歸朕聽其說百夷事不下萬言皆無倫叙及  
瀾滄江中道要當城高濠深排柵粗大收火銃大煎火藥以  
備之來勿輕戰鬥乃出向者雲南初下軍中遣人與百夷相


往來以今觀之小人淺事一槩張威貽笑諸蠻自今以後並  
不許遣彼來持有文書祇答大槩若無文書者人至毋與較  
論固守此言毋中彼慢絕跡不交靜以待之彼乃無策

諭戶部各處積貯滿二年者聽折收

丙寅勅征下大將軍馮勝曰天象水火相犯宜嚴號令整行  
伍遠斥堠

辛未勅馮勝曰觀天象其咎在下宜乘機進取之納哈出勢  
必來降黑山魚海之間地平無備可盡滅也

諭刑部尚書唐鐸曰有司犯者欲盡法治之人謂刑重不



則靡所忌古云書用識哉欲並生哉自今輕犯悉宥之徒流  
及雜犯死罪皆戴罪復職有至再三者亦錄其罪而復其官

六月乙酉廣東惠州山盜四起官軍討平之

己丑廣西潯州知府沈信言府界柳象梧藤間山猺盤踞近  
殺廣西布政司少叅議湯敬官軍討之遠遁不克今桂平平  
南二縣降猺皆善弩歷險乞選千餘人俾團寨協捕 上不  
許第謹備之

丁酉廢昌國縣徙其民置寧波衛

馮勝等兵遼河東獲納哈出屯卒三百餘人進金山之西至

遣張允恭送乃刺吾見納哈出于松花河驚曰吾謂已死矣

乃得復相見因遣左丞劉探馬叅政張德裕隨允恭來獻馬

覘我師納哈出送乃刺吾漠北胡主欲殺之以救免乃刺吾


仍歸納哈出四十餘萬自昔以來未嘗獲其出軍歸來

太白經天

江西宜春縣妖賊作亂官兵捕斬之

戊戌優給武官老疾無子姓者

已亥勅金齒衛指揮儲傑嚴武曰金齒遠在邊徼負固守險  
不比中原五教之民非德重名播不足守之指揮李觀所以



命也所移徙不下萬數皆奸儒猾吏累犯罪人不易制治遣  
往指揮千百戶鎮撫亦多特功放肆之徒當以號令彈壓之  
朕用李觀用德而用名若欲彈壓必爾傑哉


趙汝濂曰黔中古南詔地在鬼方之西三代之未綏漢武  
帝通牂牁羗爨銳銳意圖之而黔蒼金齒終未入版圖唐一  
興師覆衆四十餘萬自昔以來未有郡縣其地寧謐康定  
如今日之盛者蓋 聖祖神謨廟畧度越千古而諸將經  
略進取悉中機宜也嘗伏覩諸將出師 聖祖臨軒面諭  
及所下詔勅其于地里遠地道路險夷與夫攻守分合之

勢歷、如指諸掌雖生長其地久踐戎行者未能若是悉  
也天生神聖統一寰宇豈偶然哉

臨江侯陳鏞從征納哈出將至金山與大將軍馮勝異道相  
失戰死

癸卯馮勝兵踰金山元將全國公觀童來降

丁未馮勝次金山東北遣左副將軍藍玉取納哈出降其衆  
納哈出計無從乃刺吾勸之降納哈出猶豫未決復遣使至  
勝營獻馬陽納款勝遂遣左副將軍藍玉往受之耀之以大  
軍納哈出彈指曰天不使我有此衆矣率數百騎詣玉約降




玉酒之甚洽納哈出別攜耐酬王玉讓之先納哈出先飲復觴王玉解衣之曰請衣此後飲弗肯衣玉亦持不飲久之納哈出取酒澆地顧其下咄咄語鄭國公常茂勝子婚也部將趙指揮解胡語謂茂曰此欲遁也茂遽前搏之納哈出驚起欲就馬茂拔刀斫之傷臂不得去都督耿忠騎擁納哈出見勝納哈出所部妻子將士在松花河北凡九十餘蠻聞之皆潰散其餘衆四萬餘騎欲來追勝遣觀童往諭之并得其各受馬所部二十餘萬人羊馬驢駝輜重巨百餘里勝厚禮納哈出奏捷并言茂驚潰衆狀遂驅降衆南行使都督濮

英將三千騎為殿

王世貞曰是役也逾于霍冠軍之降休屠渾耶耳第以大將軍與鄭公茂爭功相訐然玉處置之失宜僅亞于茂而茂之直前斫納哈出稍失之躁耳亦未可盡非也

陳仁錫曰渾邪王與休屠王等欲降漢上恐其以詐降襲邊令霍去病將兵往迎之渾邪王裨將多不欲降者頗遁去病乃馳入得見渾邪斬其欲亡者八千人遂獨遣王乘傳先詣行在盡得其衆渡河號十萬故欲襲邊多詐降即真降而中不欲降者擒斬不可已常茂斫納哈出傷




其臂正為約降而中悔也

設遷曰納哈出控弦二十萬畜產彌野果其佐元孽翼擴  
廓東西遮擾無寧歲也亦勁敵也患在自雄不肯與元主  
期故我軍得度金山之北否則和林分騎突犯北平大同  
間大將軍且狼顧不暇矣大抵勢合則強散則瑕高  
皇帝又善觀星象計納款出必降誠神筭也

閏六月己酉朔元司徒完者不花來降  
馮勝兵次金山亦迷河更獲遺車四萬五千馬數千匹傷痕  
老弱二萬四千餘人

庚申都督濮英將三千殿大將軍而還初衆竄山谷間我  
盡驅之又多奪良馬憾甚設伏邀擊後軍英粹為所乘又馬  
踏執絕食不言乘間自剖腹死英合肥縣人累功追封金山  
侯謚忠襄明年贈樂浪公英子璵生數月封西涼侯祿二千  
五百石

朱國楨曰諸將死事者又有濮真云洪武初征高麗被執  
自殺攷高麗太祖不聞加一矢用一兵濮真師之深入  
取敗果何所據夫國初最重武臣贈都督僉事以上其卒  
也末有不錄况死于異國又烈如真竟不一見何哉斷



是濮英一人而悞書之其剖腹同謚同贈同子之名同表

門之語此可槩見決當歸一無煩為真作贅詞者矣

申養老之政于天下

勅福建造海舟百廣東倍之以九月會浙江出海城捕倭

已巳立群牧所五隸句容縣牧監

甲戌上聞捷諭大將軍降衆隨便居住立衛與漢軍雜處

常茂驚潰衆械赴京師

七月戊寅朔上遣賜納哈白玉黃金帶銀幣及其部曲冠帶

鈔幣有差

倭患削台州衛指揮同知陳亮官戍金齒

庚辰詔有罪軍官戍遼東者悉赴京師

是月高麗國進市馬五千匹

乙未徵還山東捕盜官軍專罪有司

丁酉納哈出所部營王失刺八禿等雲王蠻吉兒郡王桑哥

失理和尚國公等來降馮勝遣定遠侯王弼發兵迎之信州

信州即一禿河也

被襲亡馬七百有餘匹


有司請立武學祀太公立昭烈武成王廟上曰文武非二

途太公從祀帝王廟去王號罷其舊廟

國權

洪武二十年

九



辛丑左右叅將南雄侯趙庸東川侯海胡並落叅將聽征

壬寅太白三辰晝見封何真東莞伯

行人唐敬等還自真臘國其國王黎列保昆耶甘苦者貢象

五十九隻降香六萬斤暹羅國入貢椒萬斤蘇木十萬斤

八月庚申遣使賜真臘國王金印綺繡

癸亥作泗州祖陵祭殿

故元尚書塔不歹來降

丙寅市四川耕牛萬頭往雲南屯田

庚午上聞馮勝等在軍多不律遂勅勝及傅友德等曰古

之名將為國効忠勛名千載我朝若徐達常遇春平定夷夏

未嘗一不義何馮勝膺大將奪之任專為已私播惡胡中

降致恨古名將豈如是耶以嘗有戰功姑容自新若改行

易慮庶可保全往來人言頗多舉其大槩于將軍亦報哉

命會寧侯張溫永平侯謝成前軍都督高嵩率兵追討金山

餘眾復遣帖木兒等榜諭之竟寢

命北征諸將還京留宋國公馮勝分軍各衛穎國公傅友德


提督

辛未置大寧衛

國權

洪武二十年

十



定入覲止正官首領官吏各一給贖禁乘傳免雲南道遠者

收馮勝大將軍印召還永昌侯藍玉行總兵事

詔景川侯曹震卒二萬五千人即雲南品甸屯田備征仍

復中益法

乙亥詔遣雲南戍守家屬每戶賜十金鈔十錠

丁丑征大將軍宋國公馮勝以納哈出部將三千三百餘

人至京上捷表

詔民年二十以上不許為僧

九月戊寅朔納哈出入見賜一品服封海西侯祿二千石

辛巳置浙江台州健跳桃渚守禦千戶所各築城

西平侯沐英自楚雄至景東每百里置一營屯糧種備蠻寇

置大寧都指揮使及大寧中左右衛

詔穎國公傅友德編集新附軍士簡鍊精銳屯大寧防


徵還改左軍都督僉事耿忠攝征副將軍事

調湖廣官軍五萬餘人征雲南

丙戌定百官品祿

癸巳永城侯薛顯卒于軍中顯江南徐州府蕭縣人從趙均

用守泗州來降從征漢吳中原俱有功坐妄殺胥吏獸醫火





者馬軍千戶吳富封顯侯不券後補券北征還次山海關卒  
贈永國公謚桓襄無子收券後坐黨不論  
徵雲南土知府等官赴京

置北平及各邊馬驛 撤馬罕免回回滿刺朝貢


下未 上壽六十受朝賀 是月高麗入貢

丁酉安置常茂于廣西之龍州茂娶馮勝女勝故兒子畜之  
數責誚茂時慢詞以應勝故脩志前劾緣飾之茂自訴搏納  
哈出故且訐勝罪胡中生子死二日強娶其女使閣行酒于  
納哈出妻求大珠異寶自掠胡馬亡筭 上曰是亦勝罪罷

勝就第奉朝請茂削爵流龍州土知州趙堅妻慕茂閹女妻  
之為他夷所發茂聞伏毒死洪武二十四年也或又云茂隱  
于他所不死實 上兵索之不得徐聞其死乃小解

談遷曰金山之款萬一納哈出脫去必以衆戰憂方大也  
中山王勲蓋天下未盡快志于胡馮宋公適投大隙徒幙  
千里斬溫禺以繫鼓血尸遂以染鏑不是過也常茂雖紈  
綺從戎裁抑過甚遂殊屏之謗近開肺腑指縱之略槩廢  
千城易賞而罪何以勸功噫俎醢功臣浸乎其漸矣

是月市馬高麗



定屯卒五百畝納糧五十石

致仕兵部尚書單安仁卒

收養納哈出所部驃馬

丁未永昌侯藍玉為征下大將軍延安侯唐勝宗武定侯郭

英為左右副將軍都督僉事耿忠孫恪為左右叅將率兵進

討殘胡

長興侯耿炳文率陝西衛軍城于西寧

十月戊申朔封後軍都督僉事朱壽為軸轡侯右軍都督僉事

張赫為航海侯世祿各二千石俱漕運功

鷄鳴山歷代忠臣廟告成漢秣陵尉蔣子文晉下壺唐劉仁

瞻宋彬元福壽歲五祭

庚戌行聖公孔訥來朝

壬子顏禴為江南溧陽縣丞

顏子第五十八代孫

劍州土酋楊奴等叛官軍勦平之

各衛指揮同知僉事分領千戶所事

定勳戚出使非奉符者不得擅行乘驛


辛酉月食

癸亥定武臣贈賻格例

國權

洪武二十年

十三



丙寅詔長興侯耿炳文率陝西士卒三萬三千人往雲南

選南方儒學教官往教北方增廣北學諸生復其家

簡力士五千六百人隨駕

訂定朝參等禮二十六則

庚申永昌侯藍玉奏天寒遠遁量留應戍者其大軍分回

各鎮聽調從之

丙子廣東惠州海盜謝以青作亂肆掠官軍討平之

討雲南阿魯禿遁走武關至鄜州官軍擒之

是月宋國公馮勝班師還京令就第于鳳陽奉朝請

十一月戊寅復置陝西鹽池鹽課司

壬午普定侯陳桓靖寧侯葉昇于雲南屯定邊姚安畢節等  
衛時欲征百夷

乙酉徵河南儒士岳宗原等九人授布政使等官


戊子河南府訓導葛鈞為翰林侍讀學士

選陰陽官子孫習歷學

信國公湯和自海上還奉朝請

增馬牧所軍月餉每人五斗

錄京衛將校子弟皆試百戶



庚子置雲南三衛中左千戶所

募商納米雲南中益

十二月丁未朔免征鳳陽商稅

賜武官復職者千六十二人

賑山東濟南東昌萊州登州饑民

庚子置遼東三萬衛

凡將校自洪武四年守邊有功者遞陞有差

辛未還河間阜城驛戶孳生馬匹

運鈔百餘萬抵山東登州萊州賑荒

置高麗疆界其鉄嶺以南人悉歸之

詔鎮南衛從征五開陣亡家屬悉放還為民

前晉府左長史桂彥良卒彥良慈谿人元貢士仕平江教授

罷歸 上徵入奏對稱旨除太子正士字授承事郎侍講選


入文華堂教習給事中蔣學等十七人屢有獻替 上善之


曰卿者師也十一年勅授晉府右傅改長史致仕見道純一

超豁洞達見嚴主而心靜

林之盛曰 高皇帝時有將無相將若徐中山詩咏公旦

赤烏几 德音不瑕中山有之乃他日論相獨有咨于伯





溫先生對曰宰相者以義理為權衡而已不與焉者也一言盡相道矣先生尚自以嫉惡過嚴逡巡謝而竟不果相夫不嫉惡則容奸容奸豈宰相事而謂嫉惡果隘耶彥良啟聖德平好惡而本乎無私罷宰相草中書省事分六卿權歸天子 聖祖之慮睿遠矣  
前軍都督僉事於顯卒顯黃梅人丙申來附有功追封英山侯謚襄武  
乙亥頒武臣大誥二十二篇

國權

藍官設遷孺木著

戊辰洪武二十一年

正月戊寅召前山東諸城知縣陳允恭于雲南 上聞其脩職

愛民諭吏部復之

已卯思倫發入寇擊破之

壬午葺廣東韶州張九齡余靖祠

免江南徐州運租入京悉輸山東濟寧

丁亥復置上思州忠州定州及陵州祿州

國權

洪武二十一年

旌表 孝子王興

辛卯浙江道監察御史凌漢為右副都御史漢鞫獄平怨或德之飲于塗置金焉漢曰此乃定法非我之私于子也卻其金故有是命

故元將信童來降

浙江永嘉縣人私市暹羅沉香當死 上以經過貿易非交通外國可比釋之


復馴象衛于廣州龍州捕象後徙橫州

韶州英德人周廣全等作亂降胡叛于廣西官軍討平之

二月庚戌詔都督蕭用王庸等分天下各都司衛所軍為十班今歲八月始輪赴京較藝仍先下操練法免其久戰屯田者癸丑福建布政司進禮記註疏

甲寅定歷代名臣從祀風后力牧臯陶夔龍伯夷伯益伊尹傅說周公旦召公奭太公望召虎方叔張良蕭何曹參陳平周勃鄧禹馮異諸葛亮房玄齡杜如晦李靖李晟郭子儀曹彬潘美韓世忠岳飛張浚木華黎博爾忽博爾木赤老溫伯顏九三十有七人侑帝王廟去趙普安童

裁天下郡縣禮生及儀從人



戊午遣官祭歷代帝王廟去隋文帝

定貴州宣慰霽翠歲輸糧三萬石安撫密定三千石免其逋課

遣官開辦四川六番茶課

壬戌以五月當日食勅永昌侯等防戒不虞

仍聽四川民人採茶通巷

禮部主事高惟善還自西番上安邊策曰巖州寧遠等處古

係郡治苟列戍築城堡開墾山田撫近威遠則烏思藏朵甘

鎮撫長河西可拓地四百餘里蕃民專販碇門烏茶于巖州

立市則此輩衣食皆仰給于我以長河西伯思東巴獵等八

千戶為外藩犄角天全六番招討司八鄉之民免其徭役令

造烏茶貯巖州倉易蕃馬比雅州倍之利并開大渡河兩岸

荒田通碇門巖州道路量遠近立郵傳舉黎雅烽火相應

上從之


丙寅夜有大星出東壁色黃赤占文士效用

丁卯令徐達軍隸各隸編戶丁男月給米一石

是月帝王廟及上元縣署俱火

己巳朝參官門籍各自置

庚午四川天全州六番招討司改武職



甲戌更建天界寺 調北平軍赴大寧代還舊軍

故元四大王來降命隨西平侯成雲南

三月乙亥朔策貢士施顯等賜任亨秦唐震盧原質等為進士

及第出身有差特建題名碑于太學時對策斥落二人

上謂侍臣曰驕凶德也田子方云貧賤驕人朕謂不然君子

以恭敬為本

戊寅鎮守遼東後軍都督僉事葉旺卒旺安徽六安州人少

從長槍軍謝再興及事 上歷遼東都指揮使鎮守十七年

剪荆棘立城堡號令整肅恩威並用與馬雲齊名至今遼人

尸祝之

已卯東莞伯何真卒真字邦佐廣東東莞縣人曾為元浚水

場管勾棄官起義兵保障鄉里平王成陳仲王之亂累進為

福建行省右丞王師下廣州真先歸 上甚禮之許以實融


李勣子榮嗣坐監黨伏誅

辛巳 上召考官陳宗順等于武門論列子隣人竊鈇事知

人之疑信皆生于心信心常出于忠厚疑心必起于偏私因

給筆札撰疑信論

詔申國公鄧鎮定遠侯王弼南雄侯趙庸東川侯胡海鶴慶





侯張翼雄武侯周武懷遠侯曹興等從征 大將軍永昌侯  
藍玉北伐

乙酉增脩南郊壇壝更定郊禮及各廟祭章

丙戌賑山東饑

辛卯廣東海陽縣人曾承廢等通盜作亂官軍討平之


癸巳增置群牧監

己亥遣進士及第行監察御史事分巡郡縣偕一御史久

是月徙三萬衛于開原

壬寅朶只生番入寇官兵討破之


甲辰西平侯沐英討思倫發大破平之時思倫發悉眾三十  
萬象百餘大寇定邊新附諸夷皆動英自將兵一萬討之選  
驍騎三萬兼程旬有五日使馮誠挑以輕騎百餘百夷以萬  
人驅象迎戰指揮張因以五千餘人射仆象追殺其酋長大  
呼而入斬首數百級諸軍皆乘勝進英使軍中列火銃神機  
矢為三行象來前行發不退次行發又不退三行發明旦緬  
人悉象來背欄楯竹簾鈎鈇鑪鎌左右雜標英三其軍馮誠  
前甯正左湯昭右下令曰聞炮齊戰捷一級一隊賞退一卒  
一隊優鼓之前行矢發銃炮動山谷中象皆挺透決驟英軍



但呼而鏖戰緬人大紛拏戈甲戛摩飛血塗濺張因曰與千  
戶張榮祖乘勝追之盡焚其寨昔刺亦百夷之勇人也復來  
殊死戰英望見左隊少卻曰取其隊首來左帥顧見與其衆  
死之大敗緬人斬首三萬級俘萬餘人緬人戰則渠帥縛身  
坐象累革兜鈇甲于是皆身中百餘矢殪象背上其衆連披  
日不得食死者相枕思倫發遁去盡獲其軍器輜重無美  
是月征大將軍永昌侯藍玉謀元主脫古思帖木兒在捕  
魚兒海率勅騎十餘萬自慶州間道襲之遂逾大磧度黑山  
師次游魂南道無水泉衆軍士渴甚過小山忽泉溢乃濟

四月乙巳朔何榮嗣東莞伯 行人董紹往占城國

乙卯藍玉兵至百眼井去捕魚兒海尚四十餘里哨不見  
玉欲引還定遠侯王弼曰吾屬提兵十餘萬深入無所得  
何以復命玉曰是也戒軍中穴地爨令不見烟黎明至捕  
魚兒海南知脫古思帖木兒營在海東北八十餘里玉以王  
弼為前鋒直薄之始謂我軍乏水草必不能深入又值大  
風揚沙晝晦軍行皆不知主方欲整而北向忽大軍至其  
太尉蠻子率衆拒戰大敗之殺蠻子及其軍帥數十人其衆  
遂降主與其太子天保奴知院捏怯來丞相失烈門等數



十騎遁去玉率精騎窮追之出十里不及獲其次子地保奴  
后妃及故太子妃公主等百十九人擒其詹事院同知脫因  
帖木兒於深草間追獲吳王朶兒只等將相官校三千餘人  
男女七萬七千餘口馬四萬七千匹駝四千八百四頭牛羊  
十萬二千四百五十四頭車三千餘輛并得其寶璽圖書金  
銀印宣勅照會諸物聚其鎧仗而焚之遣人奏捷乃班師

設遷曰馮勝之降金山藍之襲魚兒海懸師深入俘壘

玉


幾盡衛霍之功于今為烈漠北自兩敗後其勢寢微而後  
文皇帝四犁下庭雖王赫斯怒論其斬獲視金山魚兒海

後之矣中山之篋兩將不終追誦龍蛇之章為之太息

文華堂庶吉士解縉妙年讀中秘書上嘗諭曰朕于爾義


則君臣恩猶父子當知無不言上在大庖西時縉入奏曰  
陛下挺生南服一統華夷取天下于群盜抹生民于塗炭此  
放勳也良平信布無所賴籍出師命將皆受成畫徐定燕都  
市不易肆絕女寵外戚寺人藩鎮之患亡聲色游畋之娛此  
湯武也惟願陛下篤若臨若對之嚴慎不覩不聞之獨雖  
處深宮如奉郊祀喜怒哀樂一聽天理上下四旁均視同仁  
令出惟行不宜數改刑期無刑寧失不經夫令數改則民

之




疑、則不信刑太煩則民玩、則不清國初至今已二十載  
無几時不變之法無一日無、過之人 陛下嘗教臣云世  
不絕賢又嘗教臣云民不畏死柰何死懼之 陛下好善而  
善不顯惡惡而惡日滋善者未必蒙福惡者未必蒙禍良由  
誠信有間而用刑太繁也嘗聞 陛下震怒鋤根剪蔓誅奸  
逆矣未聞詔書褒一大善賞延于世復及其昆尊榮恩賚始  
終如一者也甚或朝貴而暮侈或忽罪而忽赦 陛下每多  
自悔之時輒有無及之嘆是非私意使然存養未加焉 陛  
下天性素嚴或差下急克伐怨欲臣知聖性所無也 陛下

好觀道德心經及說苑韵府雜書臣竊謂甚非所宜劉向說  
苑學不純師陰氏韵府蠅集兔園寒士之詞而已臣願 陛  
下聚一二儒臣上泝唐虞夏商周孔之華奧及下闡閩濬洛  
之葩根勒成一書令臣執筆而隨其後又今六經殘缺禮記  
出于漢儒蠢駁尤甚宜及時刪改訪求審樂之儒大脩百王  
之典作為樂書以惠萬祀若夫配天宜復掃地之規尊祖宜  
備七廟之制奉天不宜為筵宴之所文淵猶未備館閣之隆  
太常非俗樂可隸官使非人道所為任諸侯王于衆職定久  
任法而加封除山澤之禁稅蠲務鎮之征商木輅朴居勿興




土木佈墾荒田毋貪荒裔驅僧道之壯者復于人倫火經咒  
之妄者絕其欺誑斷瑜珈之教禁符式之科痛怨法外之威  
刑永革京城之工役流十年而聽復杖八十以無加婦女唯  
簿不修方令逮繫大臣過惡當誅且勿加誅治歷明時授民  
作事但伸播植之宜何拘建除之謬方向煞神事甚無謂孤  
虛避忌亦且不經東行西行之論天德月德之云臣料唐虞  
之歷必無此等之文 陛下天資至高合于道微百家神怪  
誕妄恍惚洞矚之矣然猶不免欲借以愚黔首臣謂天下已  
定矣人心已服矣一切奸雄已惴矣天無變災民無患害聖

躬康寧聖子神孫繩、繼、所謂德真符者矣何必興師以  
取寶為名愚眾以神仙為應哉且 陛下拳、于畏天畏鬼  
神而畏民未也孳、于治民治強暴而治心未也夫災感之  
潔脩舉之時衣服之舉儀文之脩此畏天畏鬼神之未也簿  
書之期獄訟之斷詔誥之勤鈎距之巧此治民治強暴之未  
也古云天視自我民視天聽自我民聽孔子曰聽訟吾猶人  
也必也使無訟乎近年來臺綱不肅以刑名輕重為能以問  
囚多寡為勞甚非所以厲清要畏風采也御史糾彈皆承密  
旨未聞舉善但曰除奸但聞上有赦宥則必故為執持意謂




如此則上恩愈重不知被赦之人疑上好諛此輩皆市井之  
人趨媚劬勞之細術 陛下何不盱胆鏡照之哉何嘗真有  
一夫持治國爭謂某不當罪某當刑如舜之曰殺之三臯陶  
曰宥之三哉臣篤知 陛下輕天下之士者皆此輩無以稱  
塞淵表也然誰不願其父母妻子安榮哉所以諫諍固難總  
緣禍愆不測入人之罪或謂無私出人之罪必疑受賄逢迎  
甚易而或蒙褒營救甚難而多得禍不止于一身刑必延  
乎親友誰肯舍父母捐妻子批龍鱗以犯天怒者哉 陛下  
進人不擇賢否授職不量輕重建不為君用之法所謂取盡  
錙銖置奸朋倚法之條所謂用如泥沙監生進士經明行修  
而多困州縣孝廉人才宜蹈瞽趨而或布朝省椎埋罵悍之  
夫剔履負販之傭朝捐刀鐏暮擁冠紳左棄篋筐右縮組符  
雖曰立賢無方亦盍忱詢有德是故賢士羞為等列闖冗習  
其風流以貪婪苟免為得計以廉耻受刑為飾詞故有無錢  
工役無盤纏之俚諺鬻膀官人沒商量之童謠出于吏部者  
無賢否之分入于刑部者無枉直之判天下皆謂 陛下任  
喜怒為生殺而不皆出于臣下之忠良者也古者鄉鄰善惡  
必記今雖有申明旌善之舉而無黨庠鄉學之規至知之法



雖嚴訓字之方未備序禮講學既無其地仁義法制又無其  
漸紀綱不立節目無依有勢之使然也臣欲取古人治家之  
禮睦鄰之法若古藍田呂氏鄉約今義門鄭氏家範布之于  
天下世臣大族率先以勸旌之復之為民表率行且作新於  
變時雍 陛下不可謂之迂而不切也至于下農貧戶多有  
死徙或賣產以供稅產去而稅存或禪補以當役役重而民  
困又里胥度田高下不均瘠鹵膏腴起科無別臣以為莫若  
行授田均田之制兼常平義倉之法古時多有書院遺基舉  
學田舊業貢士有莊義田有族皆宜興復而廣益之以延天

下之後又今內外百司樞楚曹屬甚于奴隸一為下官肌膚  
不保宜使同寅協恭相守相序以重廉耻之節若夫罪人不  
孥罰弗及嗣連坐起于秦法孥膠本于偽書今為善者妻子  
未必蒙榮有過者里胥必陷其罪况律以人倫為重而有給  
配婦女之條聽其相為不為義則又何取夫義婦節哉此化  
原之所繇也臣心之所欲言固不止此承付忖量急于陳獻  
惟願 陛下少垂鑒納書 上不報已復陳太平十策叅并  
田均田之法兼封建郡縣之制正官民興禮樂審輔導之官  
新學校之政省繁冗薄稅斂務農講武 上手持入顧其言



頗迂 上數稱解縉奇才大臣忌之 上尋改授為御史

已未夜月食

剿廣西叛蠻

壬戌高麗請舊壤鉄嶺地 上令禮部尚書李彥名諭止之

母啟釁蓋舊界鴨綠江也

癸亥勅西平侯沐英破賊後移兵漸逼景東務圖萬全隨地

屯田與之相持俟大軍四集如其納款進可許即許之

甲子廣東惠州瀧川興寧歸善等縣民作亂討平之

丙寅命都察院戒諭江西御史花綸等官吏事重始逮問毋

苛細興大獄 是日太白晝見

藍玉既班師復破降其太師哈刺章獲將士一萬五千八百

餘人馬駝四萬八千一百五十餘匹

五月甲戌朔日食

戊寅議軍民對支法


甲申胡觀為駙馬都尉尚南康公主

胡海之子

乙酉五色雲見

寅庚 皇子棟生 是月定各官誥命冊符用勅命之寶

甲午藍玉捷表至 上曰戎狄久禍中國今朔漠一清無憂





北顧矣群臣咸賀遂遣通政使茹瑺前望江主簿宋麟賈勅  
勞之曰周秦禦胡上策無聞漢唐征伐功多衛李宋遭遼金  
之窘以終其世神器弄于夷狄腥膻汚乎九州朕起平定與  
民更始已有年矣胡人聚眾復立王庭意圖不靖朕意者年  
失今不征必為後患命爾等率十餘萬眾北征去年爾親拘  
納哈出來降今復躬擐甲胄衝冒風露穿地取飲禁火潛行  
趨黑山而徑趨追蹄蹤而親入直抵穹廬胡主棄壘遠遁諸  
王駙馬六宮后妃部落人民皆悉附歸漢衛唐李何以過之  
使至勅勞悉朕至懷

丁酉定雲南官吏軍民犯罪條律

戊戌減豐城官租五斗之


江西萍鄉縣有假彌勒佛惑眾者有司捕誅之

辛丑安慶侯仇成有疾賜內醞勞之曰朕創業以有天下

書

惟卿勤勞邇年海宇雖寧尚有弗庭之夷累卿高年久鎮邊  
陲東西攻守無寧歲近喜廓清方將偃師脩文同卿華居美  
食忽聞有疾實疚朕心是用遣使存問嗚呼征討之時櫛風  
沐雨所自疾也尚慎藥節嗜副朕至懷

六月癸卯朔暴風雷震洪武門獸吻



甲辰信國公湯和上言臣老矣願得歸故土為容棺之墟以  
待盡上大悅從之賜勅及胡夫人黃金二百兩白金千緡  
楮五百貫幣三十蓋上不欲諸將屢典兵故厚和也  
是月皇子櫟生麗妃葛氏所出

甲子東川諸蠻叛命傅友德仍征南將軍沐英為副討之  
已巳徵隱士謝天啟為山西承宣布政使司十參議

勅諭武臣曰朕觀國初諸將收撫士卒或一二十人或百人  
至四五人皆視如兄弟愛如骨肉以故爭先効功所向克捷  
人稱善戰不知由其善撫士今爾等居位食祿豈爾能皆爾

祖父貽爾慶爾則不念祖父富貴由士卒時或苦虐使不傳  
心敗國喪身職此之由夫虐下不仁敗國不忠亡先人之績  
不孝曷不思之因頒軍士護身勅述始終之際艱難之故


七月癸酉朔追贈故金山侯濮英為樂浪公

戊寅元后妃公主等俘至賜宅廩或言藍玉私元后上怒  
后慚自經次子地保奴有怨言徙琉球國

辛巳江夏侯周德興還里厚資遣之

甲申置北平行都指揮使司于大寧

安慶侯仇成卒成安徽舍山人從渡江遇敵先登彭蠡功最



追封皖國公謚莊襄

故元詹事院同知脫曰帖木兒謀叛事泄藍玉僂之薊州脫因帖木兒故王保之弟也

丙戌頒天下武臣大誥俾子弟誦習

己丑詔天下武臣致仕年未及六十者仍依原官半俸

丁酉勅傅友德等曰東川芒部諸夷皆出羅之厥後分土異名曰東川烏撒烏蒙芒部祿肇水西唐時征閣羅鳳于大理道經芒部郡蠻伴順據險設伏致喪師二十萬近東川諸蠻雖不叛須豫備使不得肆蠻人與猿猴無異大軍一至竄入


林藪猝難捕獲宜任兵屯糧待以歲月然後可進圖也

辛丑海西侯納哈出從征雲南卒于武昌舟中還葬京師子察罕嗣改瀋陽縣

八月壬寅朔西平侯沐英調都督竇正會攻東川等蠻

乙夜太陰犯亢有大星自北斗杓徐東南行三丈餘分二星又五丈餘分三星經昴宿復為二經天庫復為一至天苑沒壬子罷天下守令所舉者宿

癸丑遷山西澤潞負人墾彰德真定臨清歸德太康閑田免賦役三年每戶給鈔二十錠備農具



甲寅監察御史桂滿勅右都御史凌漢刑部左侍郎高鐸失  
職降漢刑部右侍郎鐸右僉都御史俱停俸

召天下武臣任布政使官者悉還京

高麗千戶陳景來降言故元帥崔完部校也今四月國王王  
禍欲寇遼使都相崔瑩李成桂治兵西京令景屯义州餉饋  
退師王怒殺成桂子某成桂還攻囚王禍及崔瑩故景來降  
命嚴備邊

乙卯令九卿各舉文學才幹之士  
青州知府賈紹祖等民飢不即聞降紹祖及屬官十七人


癸亥納哈出故部曲千餘人來降  
甲子天鳴三日夜

丙寅征大將軍藍玉送護故元諸王官屬及士馬至京

丁玉藍玉入朝上褒其功仍責以汚亂及遣人伺動靜之  
罪玉拜謝宥之頒賞玉二千金鈔千定文綺五十左右副將  
軍唐勝宗郭英各千金鈔四百錠文綺十本叅將定遠侯王弼  
千金鈔八百錠文綺四十右叅將都督孫恪五百金鈔三百  
錠文綺十五餘有差

戊辰宴北征諸將于奉天殿賦平胡詩二章命群臣和韻

封後軍都督僉事孫恪為全寧侯世襲食祿二千石



是月御製諭武臣勅凡八則

九月壬申朔航海侯張赫督軍兵八萬二千餘人漕海還自東

賜新除官張士平等一千四百餘人靴帶襲衣

丁丑勅五軍都督府下令各衛所屯田定各衛馬步軍服

丙戌秦晉等九王來朝凡七日過壽節辭歸

真臘國入貢表謝賜印

越州土知州阿資與羅雄州營長發東等叛命總兵官西平

侯沐英會征南將軍穎國公傅友德討之

癸巳監察御史鄭賜試湖廣布政司左叅議翰林檢討吳文右叅議

甲午景川侯曹震靖寧侯葉昇分討東川叛蠻

更定歲貢生例府歲一人州二歲縣三歲各一人俱年二十上

是月造軍戶圖籍

乙未捕獲潮惠等寇改歷代帝王廟于鷄鳴山之陽


十月壬寅南安侯俞通源奏雲南新附官民軍士田糧馬牛之

數庶吉士解縉為監察御史諸大臣忌縉才兵部右侍郎

沈潛奏縉索皂隸部堂言語嬉謔上不問改縉

丙午故元國公老撒知院捏怯來丞相失烈門于耦兒干

地等三千人來降初元少主脫古思帖木兒敗後欲走和林



依丞相咬住也速迭兒于土刺河被襲而潰獨與捏怯來  
等十六騎遁去適咬住等以三千人來迎欲依濶帖木兒  
其衆強會大雪三日未發也速迭兒又追至脫執古思帖木  
兒縊之并殺其太子天保奴捏怯來等耻事之來降  
丁未靖侯寧葉昇進兵東川獲五千五百一十八人  
命都督府更定屯田法  
武臣以贓敗追奪告身  
甲寅高麗國王王禡請遜位于子昌上曰前聞其王被囚  
今請遜位必李成桂謀東夷詐姑俟之

丙辰夜月食

乙丑頒武臣訓戒錄

丙寅徐允恭嗣魏國公 徐達子 常昇嗣開國公 常遇春次子

庚午雲南置瀘州赤水層臺四川瀘州衛


十一月辛未朔傅友德討阿資築平夷堡成之後立平夷千戶所

庚子女直千戶孛羅哥從征東川行至沅江謀叛走思州明

年正月卒

賜國子生鈔製冬衣別作室養疾

頒賜武臣保身勅時廣西指揮耿良科斂激變江司 指



揮戴忠勳盜貪賄皆得罪

十二月癸丑安南表謝勅書令三年一朝方物隨產許使臣一  
壬戌進封藍玉涼國公初擬梁國公意嘆之鑄其過于券  
阿資臨普安傅友德等擊敗之

兵部置軍籍勘合

庚午安南國相黎一元幽其國王陳煇尋弒之立叔明子日  
焜主國事一元叔明婿也一名季聲

國權

監官設遷孺木著

己巳洪武二十二年

正子月丙子鄧銘為西安護衛指揮僉事 鄧愈之子

壬午會寧侯張溫北平行都指揮使周興拓大寧等城


占城國王遣使上表謝罪

甲申貯鈔殿廡下備賞給事中掌之

丙戌改大宗正院為宗人府秦王為宗人令晉王燕王為左  
右宗正周王楚王為左右宗人

國權

洪武二十二年



戊子高麗遣使秦其權國事王昌入朝 上以廢立止之  
罷供奉司

征南將軍傅友德等擊阿資破走之還越州擒千三百餘人  
已丑指揮徐凱追擊松潘叛蠻破斬之

二月庚子朔定內外各官品級

賚賜耆民復其家

癸卯刑部右侍郎錢塘沈潘夷陵趙勉俱為尚書署吏部給  
事中平度侯瀟為吏部右侍郎試禮部右侍郎吉安張衡刑  
部右侍郎邵永善俱為左侍郎

丙辰改六部所屬總部名吏曰選部戶曰民部禮曰儀部兵  
曰司馬部刑曰憲部工曰營部

己未涼國公藍玉往四川脩城練兵起信國信公湯和江夏  
侯周德興節制鳳陽留守司

壬戌禁天下武臣預民事


癸亥遣行人賜浙江平陽知縣張礎勅曰乃者金鄉衛造軍  
器擾民爾礎執法即具聞朕朕深嘉嘆特遣行人賚鈔三十  
錠內酒一封至爾領焉

楊靖秦達為戶工二部尚書

國權

洪武二十二年

二






湖廣安福千戶所夏德忠誘九溪洞蠻作亂命東川侯胡海  
普定侯陳桓靖寧侯葉昇往討之昇潛出賊後擒德忠斬之  
置九溪永定二衛改大庸衛為千戶所  
平越衛察隴乾溪牛場苗蠻作亂傅友德往討平之  
是月沐英遣都督藍玉從傅友德擊敗阿資斬其黨五千餘  
人勢威請降置越州馬隆二衛扼其要

三月庚午朔穎國公傅友德軍沅州申國公鄧鎮軍大庸魏國  
公徐允恭軍常德曹國公李景隆軍安陸開國公常昇軍辰  
州靖寧侯葉昇軍襄陽普定侯陳桓軍岳州雄武侯周武軍

武昌吉安侯陸仲亨軍蘄州安陸侯吳傑軍茶陵東平侯韓  
勳軍黃州東川侯胡海軍寶慶南雄侯趙庸軍長沙宣寧侯  
曹泰軍瞿塘宣德侯金鎮軍施州靖海侯吳忠軍衡州江陰  
侯吳高軍永州會寧侯孫恪軍泗州沔陽延安侯唐勝宗軍  
廣平都督張銓王誠孫彥軍桂陽道州信國公子湯鼎六安  
侯子王咸軍長寧夷陵上以諸蠻易亂恐大軍還旋叛故  
分扼要地防禦控夷

是月送貢生于國子監

已卯增置殿廷儀制司丞四人



運鈔于北方市糴備賑

戊子令天下軍丁習臣藝置弓矢

攻普定軍民府為指揮司

改給事魏敏卓敬八十八人為元士又改源士後復舊

己丑思明知府黃忽都卒子世襲

戊戌南安侯俞通源卒通源巢縣人同兄通海來附以平章

鎮守江淮為大將軍征中原封沒逾年坐黨不論子祖痿不

能侯除

四月己亥朔命蘇杭湖溫紹興松江民無田者往淮河以南及

滁和等州墾田官給鈔免賦役三年

置大寧衛命捏怯來為指揮使失烈門以下俱授武職

覈北平及行都司軍士

起山東流民居京師每人賜鈔


復造鈔自十文至五十文以便民用

賑山東萊州兗州江西九江及湖廣等處貧民

甲寅故元諸生王來降者俾居暹羅諭其國為築舍

設遷曰元裔來降仰資俸給今暹羅窮僻之地盡置流胡

外無升斗之入死亡可待雖深于慮患恐非遠人心化也



丙辰分建五軍斷事司于太平門外

甲子 何福討都勻叛蠻破平之

丙寅置詹事院秩正三品

兵部尚書唐鐸兼詹事鐸為 上徵時友重厚慎密從三十

青州衛軍犯罪將決餘年交不變色口無色失聲其胥吏數舞

文弄法見誅而不罪鐸

青州衛軍犯罪將決其妻請代夫死 上憐而釋之

五月己巳朔軍士父子皆役死者官其子一級

辛卯置泰寧朵顏福餘三衛指揮使司于兀良哈之地各居

降胡阿里失禮等為泰寧衛指揮塔賓帖木兒為指揮同知

海撒男答為福餘衛指揮同知脫魯忽察兒為朵顏衛指奚

揮同知

右僉都御史碭山黃政從征雲南還至普化遇寇與其子琬


皆死之

浪洞黃平蠻叛傅友德討平之

六月戊戌朔庚子 上退朝謂侍臣曰人常慮危乃不蹈危常

慮患乃不及患車行峻阪而仆平地保天下者亦如御車

辛丑孝廉茂才年四十以下者于行人司遣用



癸丑收廢銅鑄當二至當十錢 並置各省寶源局  
戊午免河南開封永城至彰德夏稅巡按許珪奏之右都御  
史唐詹言其要譽 上不聽  
癸亥傅友德置貴州興隆衛即浪洞黃平安撫司  
定茶馬價額

七月丙子命禮部尚書遣使諭故元丞相失烈門入朝時既降  
數稱疾遷延未至故諭之 是月給文武官朝服品綬

辛巳彗見紫微旁乙卯始滅

甲子有大星自外屏西南流二丈餘化為白雲

傅友德有疾召班師還諸將皆至京

八月癸卯高麗署國事王昌再遣使上表求入朝不許

丙午除江西瑞金縣徭役及無徵之賦縣丞古亨言之

庚戌清諸司案牘惟國子監翰林院太醫太常勿問


乙卯令守令舉高年有德識達時務年貌相稱者一人

廣東韶州闕龍山人郭日輝等作亂肆掠官軍討平之

戊午更定大明律書成

故元丞相失烈門襲劫知院捏怯來被殺其衆潰散詔朵顏

三衛資給之



九丙月寅朔日食

量減雲南鹽價方用兵故

丁卯誅西安衛指揮王綱從征多不法華死軍士

戊辰廷臣有言比來儒士起自田里擢用驟峻非朝廷愛重

名爵之意上曰朕惟患不得賢耳若伊尹出于莘孔明

起于隆中豈嫌驟哉

甲戌賞沁州人告願屯田者一百十六戶俱賜以鈔

戊寅定王世子冠服禮

定外衛軍犯笞罪例

十月丁巳西平侯沐英來朝賜宴賚起第鳳陽尋還鎮

辛酉東川侯胡海等還京賜金銀鈔綺有差

王威嗣六安侯郭振嗣鞏昌侯威尋降安南衛指揮使

壬戌增國子監學舍居監生攜家者

十一月乙丑朔上與翰林學士劉三吾論治民之道三吾言

南北風俗不同有可以德化有當以威制上曰地有南北

民無兩心帝王一視而已矣蓋德以化君子威以制小人


丙寅宣德侯金鎮宣寧侯曹泰六安侯王威安陸侯吳傑練

兵湖廣

國權

洪武二十二年

七



命後軍都督僉事孫恪募山西民徙彰德衛輝歸德臨清東昌墾田樹桑棗

已巳餘姚有民妄訴其族長私販海者上以傷化置妾于

也速迭兒既弒主立坤帖木兒

擢海州同知陳龔為太僕寺少卿龔仕故元南臺御史大夫

係福壽之子也倅海州坐事當戍邊特宥而擢之仍賜鈔

已卯通政司經楊大同使百夷思倫發寇摩沙勒及定邊歷

沐英連敗之乃遣把事來雲南委罪其下刀斫郎刀斫養乞

貸罪輸賦故大用以勅諭悉下之遂貢象馬白金縛送刀斫

郎等一百三十七人

命選民間耆年有德者里各一人同有司入覲隨朝觀政三

月遣歸

設遷曰近縣令入覲例糧長二人隨之其實從役代應也


國初每里僉役大邑且四五百人費于何籍雖上不時

召對間有旌拔然民勞已劇不若休息于田里也

癸未上與侍臣論進君子退小人兵部尚書沈潛曰君子小人

粹未易識上曰良玉委泥色澤不變君子在衆德操自異

乙酉安南王陳煒遣使來朝時煒弒久黎一元懼罪假其名



十二月申嚴中帽之禁 命定遠侯王弼往山西雄武侯周武

往河南全寧侯孫恪往陝西俱練兵聽北平之警

甲辰周王補私至鳳陽詔徙雲南未行命還國

丁未討平把撒川番賊 己酉授六尚局官官勅

庚戌魯王檀謚曰荒王謙約好學上以其近內服丹石故謚冊不以私恩廢公

癸丑魏國公徐允恭曹國公李景隆等自湖廣還京師

甲寅以浙東益引給大寧軍儲

倭寇十二艘肆掠山東艾子口官軍捕斬七人餘遁去

丙辰禮儀司丞古里奇等出塞訪故元丞相咬住太尉乃兒

不花等所在 是日白虹貫日

富川縣逃吏糾賊為亂殺知縣徐原善等都督韓觀討斬之

甲寅招諭故元兀納失里大王于和林

高麗遣使入貢


徵士梁寅卒寅字孟敬新喻人善五經元集慶路訓導放歸

隱居教授嘗應上聘隸禮部討論精審不拜官還隱石門

山學者多從之稱梁五經年八十二時尊之曰石門先生

封都督僉事胡顯梁國公顯父泉都督僉事女為克妃生楚



王楨顯以指揮遷都指揮從楚王征蠻累功封世祿三千石




設遷曰 高皇帝最慎討賞梁國公之券利于藍玉而胡  
顯特裨校從征楚黔未聞有殊功績因椒掖而進之顰笑  
少為移矣

是月高麗李成桂廢其主王昌立王瑤  
是年定民牧法初民間各牧馬一歲納駒一至是五家共牧  
馬納駒一闕駒納鈔七百貫家牧牛歲納犢一其牛馬俱屬  
監群種馬北七萬南三萬歲五馬俵解一匹上京


言取漢並支餘類高麗王昌立王瑤  
不為移矣








國家圖書館, NATIONAL CENTRAL LIBRARY, TAIWAN, R.O.C.










國家圖書館, NATIONAL CENTRAL LIBRARY, TAIWAN, R.O.C.











國家圖書館, NATIONAL CENTRAL LIBRARY, TAIWAN, R.O.C.












國家圖書館, NATIONAL CENTRAL LIBRARY, TAIWAN, R.O.C.



3393389 v.6

國家圖書館, NATIONAL CENTRAL LIBRARY, TAIWAN, R.O.C.





國權

宣統元年金陳興承封新編東... 監官設遷孺木著

庚午洪武二十三年夏鄭... 曹興... 吳...

正月乙丑朔命周王長子有燉監國

丙寅更造奉先殿祭器

肅清逆黨榜功臣五十七人功高望重連歲總兵曰魏國公

徐達曹國公李文忠宋國公馮勝衛國公鄧愈信國公湯和


長興侯耿炳文江陰侯吳良西平侯沐英專簿書聽指示曰

韓國公李善長義封曰滎陽侯鄭遇春六安侯王志平涼侯


國權

洪武二十三年

一




國家圖書館, NATIONAL CENTRAL LIBRARY, TAIWAN, R.O.C.




費聚從征累戰功論舊曰江夏侯周德興南雄侯趙庸安慶  
侯仇成崇山侯李新南安侯俞通源永平侯謝成鳳翔侯張  
龍靖海侯吳禎東勝侯汪興祖普定侯陳桓航海侯張赫軸  
驢侯朱壽德慶侯廖永忠臨江侯陳德濟寧侯顧時延安侯  
唐勝宗吉安侯陸仲亨淮安侯華雲龍建功曰穎國公傅友  
五德永昌侯藍玉靖寧侯葉昇會寧侯張溫定遠侯王弼武定  
侯郭英景川侯曹震懷遠侯曹興雄武侯周武安陸侯吳復  
宣德侯金朝興永城侯薛顯東川侯胡海鶴慶侯張翼永嘉  
侯朱亮祖因武功封曰開國公常昇斬春侯唐鐸全寧侯孫

恪西涼侯濮瓌持兵來歸曰東平侯韓政宣寧侯曹良臣榮  
陽侯楊璟河南侯陸聚汝南侯梅思祖宜春侯黃彬豫章侯  
胡美

王世貞曰此榜多有不可曉者既載沐西平而傳穎公建  
平蜀之勳又與藍涼公平滇功在西平上不得預名其列  
若止以存者論則徐中山以是歲沒尚可言而鄧寧河之  
捐館久矣李岐陽吳良亦以前兩歲沒苟不分存沒則常  
開平廖德慶何以不載  
何喬遠曰予次勳封盡然傷焉其起草萊與高皇帝定



天下者公十二人侯五十七人伯六人是皆鈇券寶綸天  
盟廟授食租衣稅不與民社事所以預宥而前全之者也  
乃藍胡之獄誅鉏萬數一時功臣十去六七竊怪諸臣皆  
僂力捐軀入水出火為高皇帝滌蕩腥膻洗濯日月天  
下既定固當使之能者有勸善人不懼及考諸臣所以行  
事皆失其理夫風雲之際雷霆易轟雪霜之餘李梅不實  
大禹宜尚謙抑周公以之退遜是皆田間武夫附翼攀鱗  
安知守滿居成之道况夫高皇帝睿聖神武刑賞號令  
無所疑錯罰焉必加而臨之者哉斯知魏文所以疑心漢  
高祖之偽游是以徐達醉驚而趨寢湯和稽首以還鄉鞫  
躬隱智存乎其人逮夫永樂之間內難削平以七戰論功  
既而北驅殘<sub>下</sub>南縛交酋西靖羗番東捕倭韓降胡廝養  
往<sub>之</sub>登封而景隆以負國墮戶江陰以被論入券長興以  
傲上奪田越雋安陸之流載復載仆終夷氓隸前封所存  
僅魏西平武定三家而已開國靖難至分新舊之官高  
皇帝之舊封誥矣夫以常李鄧湯之功而裔末流于荒徼  
養屬幽于都闕主組委于泥塗工師作室雖賀主人上賓  
飭庖猶賚行炙繼體英君守文令主能不惻然動心者耶



是月蜀王椿之國成都

國子助教兼翰林院檢討茶陵陳南賓為長史昕夕獻納王甚重之南賓洪武二年應聘至京授膠州同志治先教化遷國子助教講洪範上善之

丁卯詔晉王燕王北征以故元丞相咬住太尉乃兒不花知院阿魯帖木兒等將患邊也拜穎國公傅友德為征將軍南庸雄侯趙庸懷遠侯曹興為左右副將軍定遠侯王弼全寧侯孫恪為左右叅將赴北平聽受燕王晉王節制王弼先往山西聽晉王節制

己巳康鎮為大寧右衛指揮使康茂才之子


庚午鳳翔侯張龍營陽侯鄭遇春平涼侯費聚龍江衛指揮同知徐恭等往雲南置驛傳辛未長興侯耿炳文練兵陝西

進五軍斷事官秩正五品

召還指揮蔣旺等鄴都指揮知縣查允中奏其擅討山賊傷農也召還令有司招降之

倭登浙江穿山浦殺掠百戶單正不即勦捕回誅之

信國公湯和自鳳陽來朝因風疾留京師



庚辰貴州諸蠻作亂肆掠延安侯唐勝宗討平之

進士王希曾請出母之喪不許

辛巳翰林院學士劉三吾坐事降為國子博士侍講學士葛

鈞降為國子助教時授晉世子經稍怠尋復其原秩

以胡騎指揮安童為刑部尚書

西番作亂藍玉往大渡河擊之

癸未高麗人言國王王昌寶辛朏子禍之故國中不服別擇

定昌君瑤立之乞准嗣 上諭禮部尚書李彥名曰高麗國

限山隔海廢立事真偽未知聽其所為移檄國人知之

詔高麗國人在遠東貿易者勿禁

一戶二軍者免其一

故元平章把都帖木兒等來降令就水草便地居之

戊子廣東潮州補成生負陳質求卒業許之除其伍兵部尚


書沈潛難之 上曰人才始得用朕豈少一持戟之士乎

蜀王椿奏言西番作亂焚里崖關大肆劫掠已遣都指揮瞿

能都指揮同知徐凱以萬三千人助藍玉往大渡河邀擊

江西贛州山盜糾湖廣諸洞蠻作亂命東川侯胡海充總兵

官普定侯陳桓靖寧侯葉昇為左右副將率師討之





已丑作點鋼長鎗付京城各門軍守衛

從征千百戶以應襲子弟領後事無者總小旗領之  
命延安侯唐勝宗鳳翔侯張龍仍往黃平平越鎮遠貴州等  
處練兵屯田


辛卯遣都御史古思帖木兒賚勅諭故元丞相咬住太尉乃  
免不花知院阿魯帖木兒等

增江北馬戶初江南十一戶牧一馬江北每戶一馬至是均  
之凡五戶牧一馬馬二歲徵一駒

定灶戶計丁辦鹽每丁歲辦小鹽十六引每引二百斤

二月丁酉國子祭酒宋訥卒訥字仲敏滑人父壽鄉元陝西行  
省侍御史贈魏國公訥遲重記聞諛博至正癸卯進士尹益  
山洪武十三年拜國子助教橫經發難剖擊愚蒙超翰林學  
士擢文淵閣大學士自宋濂詹同後惟訥蒙眷改祭酒年逾  
七十振飭學規諸生畏敬歷七年召其子望江主簿麟侍養  
年八十 上甚悼之歸葬服滿仲子訓導顯祖擢國子司業

袁袞曰董生有云養士莫大乎太學太學者賢才之關而  
風化之本也 高皇帝初建成均首得宋公為師其教人  
先躬行而後口說故士皆務實國初人才多質直朴醇足



以適用何則身教行而師道立也諺曰桃李不言下自成蹊  
惡在其多言哉

庚子考定王國合祀山川

六科失記旨意增減失實覆軍籍不明俱下獄論罪

癸卯宥給事中彭與民等罪先是諭給事中父兄伯叔來朝  
觀政歸以書諭其鄉里子弟使為善無犯法人予鈔遣還而  
與民等下獄父九霄來朝上表引咎上憐之同宥十七人  
九霄尋卒命歸葬

甲辰諭晉王燕王嚴備

戊申監玉擊破西番蠻人并討平崑州雜道蠻人之攻圍大

渡河者俘其男女數千人

擒龍川賊蘇文山等誅之


壬子隱士吳敦義李翰等為陝西布政司左右叅政

詔有司過悞一犯至三犯皆記罪復職

民戶米對撥官軍俸糧

丙辰龍川知縣陳敬詣闕言事稱旨擢吏部右侍郎

戊午沅陵主簿張傑坐輸作自陳有老母守節乞宥罪歸養  
許之命禮部榜其母節于天下加俸資養



庚申逮治千戶虞讓子瑞嗜酒不習武發遣并諭武臣子弟

癸未誅河南妖寇朱黃頭等

藍玉克散毛洞擒土酋而下萬餘人阿資既平置陸梁衛

築河南歸德黃河堤時河決鳳陽泗州徑夏邑永城諸縣有

司不時上歸德人入奏命發興武等十衛軍與歸德人塞決

口甫月而成官言者罪其有司

三月乙丑燕王率諸大將出古北口征

是月申定官民服飾

臨洮僧巴竹領占為尚師

部院歷事官三年任無過者給全俸一年者給半俸

庚午改公主府家令司為中使司 用內臣

雄武侯周武卒于河南武開州人遷江南居江陰縣丁酉從

軍常州取江南累見大功授都督僉事屬西平侯討平西番


洮州戎封世揮揮使賜券子興龍江右衛指揮同知

定公侯卒葬輟朝禮

諭山東河南春夏貸粟秋成還官

郝從道試大理寺右少卿趙居仁試通政司左叅議俱人才

侍朝觀政者



鄧愈陳紀王瑊為尚寶司丞申國公臨江侯六安侯之弟  
癸巳燕王初出古北口諭諸將曰地曠絕吾千里行師無  
間諜難以成功乃發騎偵屯迤都冒雪抵其營諸將欲止  
燕王不可先以指揮觀童招之觀童故善乃兒不花至則持  
而泣倉卒間大軍壓其營遂降觀童以乃兒不花及丞相咬  
住等見燕王慰勞甚至悉收其部落數萬畜糧數十萬而歸  
設遷曰史歸功燕王甚意傅穎公等從征或後人過飾也  
晉王出塞不見引還

四月甲午朔潭王梓暴薨王母定妃達氏封長沙王慧而文數

設醴召府僚賦詩品高下金繒賞之至是妃家坐事王不自

閩安遣使慰諭且召之王驚闔宮焚死年三十二無子國除

徐學謨曰高皇帝承勝國之後用重法刑亂王固親子

妃坐妃家事連竟亦不赦嗚呼豈不誠神武之聖人哉


東設遷曰何喬遠紀潭王事亦聞曰達定妃故陳友諒姬

上妃之妃居常為語所以為妃故王不勝忿閉城反竟自

焚夫齊庶人母亦達定妃也豈妃居常泄于潭諱于齊耶

且安有宴然千乘而輕為亡魄發難者真村瞽之說也

上召潭王或面慰諭之非有他意先是周王謫雲南益自



疑耳徐宗伯謂王固親子竟亦不赦此又苛論矣 高皇

帝雖嚴馭獨無放廢之德哉

吉安侯陸仲亨臨江侯陳德家人法犯奪追舊賜公田

丁酉詔濱海衛所每百戶造二舟巡邏海上巡簡司如之

庚子置京師外城十五門

改龍里長官司為衛尋改軍民指揮使司

甲辰暹羅斛國貢香十七萬餘斤

閏四月癸丑朔東平侯韓勳西涼侯僕瑛瀋陽侯察罕左軍都

督僉事王憲練兵東昌

燕王捷至 上喜曰清沙漠者燕王也

戊午改徽州千戶所為新安衛

命傅友德部元降將至京徙部落于閩南

乙丑安南入貢以非期卻之


吳朴曰安南國凡有篡逆立者必厚貢中國以固其位然

以貢厚而故詰責如我 聖祖者鮮矣

國子生李約父元泰坐事謫戍廣東吏老疾約乞代釋之

丙寅置大田軍民千戶所隸施州衛

辛未授故元太尉乃兒不花留守中衛指揮同知阿魯帖木



兇燕山中護衛指揮同知咬住為右副都御史忽哥赤為工部右侍郎尋進乃兒不兒阿魯帖木兒為等指揮使

甲戌除百官期年奔喪之制 是月故元 國公藏卜來降

丙子詔免滌陽定遠六合天長儀真舒城等縣馬戶田租民田全免官田半之著為令

涼國公藍玉平施南忠建二宣撫司叛蠻初叛蠻據龍孔遣指揮徐玉攻圍之擒宣撫覃大信至是藍玉又破諸寨斬獲一千七百餘人

丁丑軸轡侯朱壽二子與能俱犯法罪當論死特宥之

丙戌仇士正嗣安慶侯仇成之子


置平壩衛 免湖廣江西廣東被寇逋租

新添龍里威清安南清平六衛降六安侯王威為安南衛指揮使宣德侯金鎮為平壩衛指揮使

戊子賜宋國公馮勝江夏侯周德興永平侯謝成定遠侯王弼會寧侯張溫武定侯郭英江陰侯吳高鶴慶侯張翼崇山侯李新安慶侯仇正南雄侯趙庸銳各二十建先塋神道碑

辛卯討廣東黃田山盜袁萬三等平之


法司官年老者賜馬



五月癸巳朔戶部尚書楊靖改刑部兵部尚書沈潛改工部二  
部尚書秦達改兵部刑部尚書趙勉改戶部俱賜勅誥未几  
沈潛仍兵部秦達仍工部

上念列侯老悉遣還鄉魏國公曹國公開國公宋國公申國  
公穎國公各金三百兩銀二千兩文綺三十疋綾十鈔三千  
錠永平侯南雄侯崇山侯懷遠侯鳳翔侯定遠侯安慶侯武  
定侯鞏昌侯各金二百兩銀二千兩鈔千錠文綺三十疋  
丁酉御史劾奏太師李善長詔勿問初胡惟庸謀亂私遣元  
臣封績通漠北事敗績留胡中藍玉獲績于捕魚兒海善長  
不以聞至是或告之訊績得狀及善長私書法司請罪善長  
寢之于是御史糾善長追理胡惟庸謀亂之事不報

庚子御史復請按李善長并其從子佑伸下佑伸獄時善長  
家奴盧仲謙等言胡惟庸令寧國善長薦為太常卿謝黃金  
二十斤善長家奴送耿子忠等四十人于惟庸惟庸皆厚與  
金帛酬善長陶國古劍及白玉酒壺玉刻龍蟠蓋玉蟠桃  
杯而吉安侯陸仲亨家奴亦告仲亨及延安平涼南雄三侯  
皆黨善長謀變未發下廷臣訊之得實群臣請誅善長上  
不許復使讞皆具伏




已酉播州貴州宣慰司各遣其子來朝入太學許之

壬子命各郡縣置倉糴穀備賑給時方召天下老人至京命所召老人賫鈔各往處催糴

乙卯太師韓國公李善長自殺時年七十七耄不能飭下有言善長私鑿定遠水達淮便芻粟治第從信國公私假衛士三百信國公怒不與京民向通惟庸法當從邊善長入其賂數奏請給其親 上固疑之會夏星變占為大臣災 上大殺都民之怨逆者應之善長曰是中亦有良民 上怒曰善長事朕二十九年陰陽朕意九事皆待朕發端念或有過則可歸責于君父斯可居上公理天道應陰陽者耶善長昔黨

胡惟庸得曲原乃為惇民求情而封績之事見告至是 上召善長于奉天門語舊事甚悉流涕顧群臣曰諸君為我曲宥太師群臣不可 上曰法如是柰何善長大慟曰臣誠負陛下天高地厚之恩即歸自經賜佑及吉安侯陸仲亨延安侯唐勝宗平涼侯費聚南雄侯趙庸等皆死 上命葬善長爵除善長安徽定遠縣人從起義早足饋餉定章程一制度厥伐不細卒以嫌死天下莫能明也子駙馬都尉祺卒江浦祺子方留守中衛指揮僉事茂旗手衛鎮撫茂子恒停襲恒






生城：生宜、生鸞嘉靖中錄絕封改文資世襲秩七品


袁表曰昔劉項戰滎陽成臯間蕭何功居第一史稱漢高祖知人善于任使舉國而委之非至明孰能之哉高皇帝之趨彭蠡也西畏強楚東徧勁吳謀臣如雨猛將如雲空國以爭死敵建康草創人無固志爰乎殆哉李公一書生固守根本宴然亡虞此與蕭相何異之有東討西征給餽餉繕器械未嘗乏絕和輯諸將一心同力以贊王業其所奏定一切法制綱目細可法可傳雖聖謨宏遠匡畫不為少矣而學士大夫罕述焉豈以胡黨少之者哉

王世貞曰高皇帝神武斷決皆出自臆而善長奉行即善長功何能比蕭鄼侯哉爵為上公位至太師贈王之約同于帶礪其班先徐武寧恩數百劉文成而中不惡人亦不異議者帝固有以心知之也人臣無將則必誅身從逆而再屈法以寬之必不得已而今自盡以禮葬恤帝之恩德不亦深厚加諸公萬哉雖然其初獄詞抑何曖昧少証也隱之十載而後發之後一獄詞視初十年而詳者寧能使善長瞑也嗟乎王國用之疏可味也已何喬遠曰蕭何相國雖買田宅自污而不治垣產曰後世



賢師吾儉彼亦有以自高于人主李善長當日月之下雖  
破私捐愛猶慮不足有以承之也况乎有所徇比而賣惠  
于夫人進言雖忠服刑雖不衷欲繇以免蓋亦難矣  
顧起元曰逆臣作亂片語株連 高皇帝既幸已釋公乃  
終不免蒙疑以死何也嗚呼難言矣公心以為 上幸不  
為相國何之暴繫者臣得去鍾室畢命牖下足矣釐纓盤  
水北面而謝主恩即言之竟何為也或曰庚申初訊公嘗  
奉詔歸鳳陽矣復召理臺事稱疾力辭或可以免不見信  
國之休沐而安乎信國之謹厚固 上所信也公之智略  
上所疑也疑而欲遠跡以自引則益厚其疑東西南北惟  
命之從毋寧束身以聽于 上耳公之此心 高皇帝亦  
知之夫以韓國之封寢于身後明堂之榜夷于大憝 上  
意似終愬然公者何以見知以駙馬祺之無恙王國用之  
無罪知之 上臨馭久天下安危之慮深無將之戒不得  
不嚴以肅臣紀耳 高皇帝所以獨斷于九重而公之  
所為甘瞑于萬世者與

設遷曰漢之興藉三傑明初徐中山王類淮陰侯而勞慎  
過之劉文成則子房也保身之道不足李太師袁然鄼侯



矣聲容冠于列服究其終去菹醢無几耳末年刑書定自  
家奴之口此廝養之徒者流果足蔽大獄示大信于天下  
乎噫貴賤有等胡囂亂之甚也又史稱禮葬之厚卹其家  
夫當時籍入六萬金僅免孥僇則所云禮卹或史筆曲為  
之飾也耳

頒逆黨二十人姓名于天下韓國公李善長豫章侯胡美

死擅乘傳捕代縣期年吉安侯陸仲亨謀逆為家

奴所臨江侯陳德數千言之而怒遂反平涼侯費聚往姑蘇不奉命

責之滎陽侯楊璟屢敗兵責永嘉侯朱亮祖本粗鹵為誑所感遂與之反耳

汝南侯梅思祖本元義兵造反身故事覺于家河南陸聚宣

德侯金朝興宜春侯黃彬為胡所誘淮安侯華忠六安王志通胡人

都督毛驤於顯陳方亮為胡所誘耿忠於琥先在寧夏任指揮聽胡陳計通故元

十一月乙丑給事中李應私毀奏劄罪當死上愛其才宥之


都勻安撫司散毛撒狗長官司蠻叛藍玉遣鳳翔侯張龍討

平之是月給雲南諸衛屯牛

海門縣大風三日夜壞廬舍詔賑濟築隄

戍長傳友德師還京

定馬戶產一駒賜鈔十錠種馬及駒不及數者勿問



己巳召鳳翔侯張龍駐雲南

南海主簿 有罪當城旦妻高氏詐願沒官贖罪宥之

施南宣撫司土官覃大勝作亂藍玉兵討之擒千人誅大勝

定公侯伯鈇冊軍先是公侯伯各給卒百十二人曰奴軍至

是遣還鄉設百戶領之盡公侯之世給屯戍俾自耕食鑄于鈇冊

右軍都督僉事 坐事當死自訟于 上宥之送雲南代

其父屯守尋除 衛指揮使

丙戌定司經局官制

庚寅命京衛各置軍器庫

駙馬都尉歐陽倫往雲南賚新兵

尚寶司卿楊顥往雲南尚寶司丞楊鎮往貴州閱各衛兵

十月辛卯朔寬卹灶戶

壬辰西涼侯濮瓊練兵臨清


河決河南命賑災民一萬五千七百十三戶毋許虐民

丁酉追還各軍衛水馬符驗

己亥景川侯曹震還歸鄉

封邱縣人劉安壽進禁書數十種

癸卯景川侯曹震理四川軍務



甲辰高麗送故元伯、太子男十六奴來京蓋 上徵之也

丙午太僕寺少卿祝孟獻往滌陽添省牧監從民便

丁未定内外文官試用實授借除等則

辛亥勅法司在外死罪其犯者具狀申刑部議定遣官審決

免死者輸作京師

乙卯安陸侯吳傑練兵長沙籍土軍一萬八千四十三人分

隸平壩威清諸衛

戊午鑄王世子妃印黃金十五兩方寸餘世子同

詔五軍都督都督府清各衛所吏卒部伍

八月庚申朔吏部役滿三年者悉赴京師

命重作黃冊

甲子航海侯張赫卒赫濠州人以千戶從 上起兵征討有

功累後都督僉事轉漕運左使追封恩國公謚莊簡子榮自


致功任指揮使坐黨事除爵

辛酉給事中有薦儒士者 上曰宜任何官對曰宜牧民又

問有何所長對曰年少才高勇于敢為 上曰才高者多過

中勇敢者少循理其養于學而後用之

己巳改鑄監察御史印先是分河南等十二道每道印二篆



日繩愆糾謬今制如浙江則曰浙江道監察御史餘道同如  
出使云巡按惟浙江江西直隸事繁每道置印十餘皆五  
壬申涼國公藍玉還京增錄五百石尋還鄉賜金三百兩銀  
二千兩文綺三十疋綾十疋  
詔選舉人才毋錄隸卒  
甲戌復命兵部清驛傳符驗限其請給之數  
賑河南山東北平水災  
丙子考定使節之制竹脩三尺旄三重如漢  
壬午赦監守倉糧陳腐者之罪

己丑置北平行都司儒學

九月庚寅朔日食

賜應天考官及貢士鈔錠

辛卯長興侯耿炳文還鄉


乙未加封中山王徐達岐陽王李文忠三代皆王爵如開平

王例穎國公傅友德江國公吳良海國公吳禎鄆國公韓政

黔國公吳復皖國公吳成樂浪公濮英虢國公俞通海三代

俱封公全寧侯孫恪景川侯曹震會亭侯張溫崇山侯李新

長興侯耿炳文等三代俱侯封爵



置大寧等衛儒學

丁酉福建右叅政太康王純為浙江左布政司

戊戌分戶部四子部為十二部雲南則四川兼領之刑部同

通政司大叅議嚴震直為刑部郎中

壬寅封中軍都督僉事桑敬徽先伯為桑世傑之子祿一千

七百石世襲

丙午御夏長文劾左副都御史袁泰上宥之尋進長文為

左僉都御史

都督宋晟練涼州兵備

壬子豫府長史輔道失職皆免官

癸丑定外官公宴節錢

賑湖廣饑民

命景川侯曹震疏四川永寧水道二百七十餘所

十一月己未置倒鈔庫聽民換易尋罷


定鈔一貫准千錢

雲都賊夏三等皆平

江西

辛未尚寶司丞何雄為少卿何真之次子太子洗馬詹紱為

尚寶司丞詹紱之子



戊寅刊行宋儒黃公紹韻會

辛巳賜故誠意伯劉基次子仲璟及其孫薦織金文綺鞍馬省墓

甲申封右軍都督僉事定遠張銓永寧侯世祿千五百石積功征雲南尤著

追封宣寧侯曹良臣安國公謚忠壯  
乙丑置閣門使正六品劉仲璟為之

禁通外蕃

十二月己丑朔申明善惡勸懲天下

戊戌改置太僕牧監之地

永州知縣王佐為翰林侍讀  
己亥錦衣等二十衛于北平岸草場牧馬


者民一百六十七人授郡縣官歷事諸司

茹常試兵部尚書諭曰朕虛心待人汝等當思盡言不宜容

默苟順無利于天下

丙辰賑河南水災

十二月己未朔諭刑部尚書楊靖犯十惡并殺人論死餘皆輸粟北邊自贖力不足者或二人三人并輸予還家備資以還





高麗者貢玳瑁筆分試翰林劉三吾等

壬申罷天下歲織段疋造弓矢賞賚用絹帛有遺乏即織于京師置後湖局專造弓矢

甲戌福建進南唐書金史蘇轍古文初上購書先刊行之禮部侍郎凌漢有罪免官請留居京師尋復秩漢嘗面折左都御史詹徽見忤

刑部尚書楊靖以郭桓盜糧事當從坐詔勿問

戊寅遣國子生鍾必興等十四人視山東流民令有司存恤賑廣西驛遞人

庚辰夷陵州學正李智試禮部左侍郎鞏昌府教授李本正為翰林編脩

西番諸夷西天尼八刺國曰灌頂國師吉刺思巴監藏巴藏卜曰烏思藏衛俺不羅行都指揮使司曰仰思多前司徒

公為巴思曰烏思藏衛都指揮使司僉事班竹兒藏卜曰分司僉事管卜兒監曰輦思寨官喃兒加曰啞力巴輦卜闌曰劄唐千戶端竹藏卜曰宣慰司列思巴端竹曰烏思衛鎮撫朶兒只藏卜曰班竹兒藏卜曰汝奴藏卜曰約尾占寺僧星吉旦各入貢賀正旦

